



Broj: 01, 02, 03, 03/11-05-1-1145/21
Sarajevo, 14. 7. 2021.

KOLEGIJ PREDSTAVNIČKOG DOMA PSBiH
KOLEGIJ DOMA NARODA PSBiH

BOSNA I HERCEGOVINA
PARLAMENTARNA SKUPŠTINA BOSNE I HERCEGOVINE
SARAJEVO

PRIMLJENO:	28-07-2021		
Organizaciona jedinica	Klasifikaciona oznaka	Radni broj	Broj priloga

B

Predmet: Izvještaj sa sastanka Međunarodnog sekretarijata

Interparlamentarne skupštine pravoslavlja,

Beograd, 13 - 16. juna 2021.

Članovi delegacije Parlamentarne skupštine Bosne i Hercegovine (PSBiH) u Interparlamentarnoj skupštini pravoslavlja Snježana Novaković - Bursać, Lazar Prodanović i Nenad Stevandić učestvovali su na redovnom sastanku Međunarodnog sekretarijata ISP-a, održanom u Narodnoj skupštini Republike Srbije, u Beogradu, 14. i 15. 6. 2021. Učesnike su pozdravili generalni sekretar Maksimos Karakopulos i predsjednik Generalne skupštine ISP-a Sergej Gavrilov.

Sastanak Međunarodnog sekretarijata otvorio je predsjednik Narodne skupštine Republike Srbije Ivica Dačić, koji je izrazio zadovoljstvo činjenicom da je ova institucija domaćin prvog događaja nakon poboljšanja situacije izazvane pandemijom koronavirusom, te izrazio spremnost Republike Srbije da aktivno učestvuje u svim aktivnostima ISP-a. Dačić je naveo da Republika Srbija izuzetno cijeni aktivnosti ISP-a kao važnog foruma multilateralne saradnje u vezi s pitanjima značajnim ne samo za pravoslavne narode u svijetu, nego i za cijelu modernu civilizaciju.

Generalni sekretar ISP-a Maksimos Karakopulos je u svom obraćanju rekao da je ISP, uprkos nepovoljnim uslovima, kao što je svjetska zdravstvena kriza, ostao vjeran poštivanju svog institucionalnog pamćenja i uvijek je naglašavao historijsku dimenziju svog rada u svim državama članicama. Karakopulos je tokom sastanka izvijestio o aktivnostima i ostvarenim kontaktima s drugim međunarodnim parlamentarnim institucijama, univerzitetima i građanskim društvom.

Predsjednik Generalne skupštine ISP-a Sergej Gavrilov naglasio je da danas moramo dati prioritet pitanjima za očuvanje mira. Gavrilov je rekao da aktivnosti ISP-a treba da budu model saradnje između parlamenata kako bi se eliminirale međunarodne tenzije.

Član delegacije PSBiH Nenad Stevandić u svom obraćanju rekao je da treba podići međunarodni subjektivitet Interparlamentarne skupštine pravoslavlja, posebno s ciljem očuvanja i zaštite kulturnog i historijskog naslijeđa pravoslavnih naroda.

Na inicijativu grčke delegacije, članovi Međunarodnog sekretarijata ISP-a posjetili su spomenik Rigasu Feraiosu (Rigi od Fere), gdje su položili vijence u njegovu čast povodom 200. godišnjice od grčke revolucije.

Na inicijativu ruske delegacije, članovi ISP-a također su posjetili spomenik oslobodiocima Beograda, gdje su položili vijence u čast svih stradalih u Drugom svjetskom ratu.

Delegacija Međunarodnog sekretarijata ISP-a posjetila je Institut za vizantijske studije Akademije nauka i umjetnosti, kao i Teološki fakultet Univerziteta u Beogradu, gdje su zvaničnike fakulteta informirali o aktivnostima ISP-a i razgovarali o mogućnostima saradnje.

Članovi Skupštine odlučili su da se 28. zasjedanje Generalne skuštine ISP-a održi na ostrvu Krit, u Grčkoj od 22. do 25. 7. 2021, o temi: „Budućnost svijeta, budućnost Evrope nakon pandemije“.


Izvještaj odobrila:

Snježana Novaković- Bursać



Izvještaj pripremila

Olja Golijanin



Dostaviti:

- naslovu
- Komisiji za vanjske poslove PDPSBiH
- a/a